

## Vožnja u suprotnom smjeru: Gdje je ta policija?

Danas oko 13 sati, naš fotoreporter, zabilježio je zanimljiv događaj.

Naime u Kreki, kod Tržnog centra "Bingo", izašavši iz garaže, vozač automobila "golf" bijele boje je hladno krenuo lijevo i nastavio voziti suprotnom trakom.

Nismo sigurni ni da je primjetio da se pravom trakom, koja mu je ostala s desne strane, kreću vozila u pravcu njegovog automobila, a da njega, srećom uspješno, ubacujući se u desnu traku, izbjegavaju vozila koja su mu u traci kojom se kretao nailazila u susret!

Nismo vidjeli da li je "golfer" na semaforima ispravio grešku, ali srećom po njega, nije sreo policiju koja bi bar stopirala upornost kojom je mogao ugroziti nečiji život!

Nešto slično zabilježili smo i večeras kod MUP-a, gdje je automobil "komotno" vozio u zabranjenom smjeru, skrenuvši lijevo u Ul. Mirza Delibašić.

Na očigled dvojice policajaca koji su sve mirno gledali ispred svoje "direkcije". (tl, Foto:hs)

Date: 13-08-2017